

رخصت اف



مرید بلوچ

رخصت اف



THE BALOCHISTAN POST
Uncovering the Truth

کتاب ناپن : رخصت اف
بہا : نما مہر
کمپوزنگ و پروف : عتیق آسکوه بلوچ
ٹائٹل : مش یار بلوچ
چھاپ : مارچ 2019

تیوہ عاق آک ادارہ تون خوندی ء۔

پنا

سگ و حوصله غا تا چیده لمه یا سمین نا

انجیرنا پھل خف تیٹ خلیسہ، گوارخ گلاب ءُ شکل اٹ تھونا
ولدا برینہ، میڑھا آانگ اُن، برنٹو مرنی ہمگام سنگت

مزاحمت نا استعارہ

بلوچ راج جبر، زوراک، لُھٹ و پُل، سیاسی و ڈیہہ ہی قوضہ گیری، مذہبی کش و یکیر، زور آوری نا گری ء سوچ نا گواچی ء۔ و بلوچ اُلس نا واک و اختیار دُو آن تہ پیشن ء۔ دُن انگاراج ٹی مُتکن و پو دِگی ء گمانک، چپ و چوٹ ء رویہ غاک و نو آبادیاتی چم و ڈٹ دُولک بڑی گند ہی و دی کیرہ۔ ضرورت ء دُن انگاراج ٹی پوسکن ء اصول، ڈٹ و دُول، رجحان و راستو کی رد و بند تینگ نا۔ ہر اقل پُہہ ہی اٹ چست کنگ مریر۔ و پُہہ ہی نا اسہ کسرا س شاعری ء۔ ہمو مزاحمتی شاعری ہر اکہ پدر و پیشن آن بروکا زوراک نا زور آوری و تینا خلقت نا زوری تے درشان کریسہ، اُومیت آتا اُولڑ و اس چست کے۔ ہر راستو کی تے مُون مُستی اَتے۔ ہر راجی بدلی، جُہد و انقلابی سیاست اَلیقین تے پختہ کے۔ ہر راجی و اُوسی بیوسی تے آن پُہہ و سرپند کے۔ ہر راج ٹی جُہی آستونک نا دوشہ غا تا پُخت آتے پاش کے۔ مرید نا مزاحمتی شاعری نا بُند او ہند انفسیاتی سائنس آتخوک ء۔ اِنتے کہ اونا شاعری ءے خُونگ یا پنگ آن ماحول نا اثر بندغ ءے پلویر ٹی اَلیک۔ ہند اسوب آن مرید نا دُونو آبادیاتی نا جوڑی نا گواچی ء بلوچ راج نا نبض آتخوک ء۔ اسہ راستو کی اس پُہہ مریسہ ہر امزاحمتی توارے ملا مزار بنگلونی چست کر لیس س، ہمو راستو کی ءے مرید راج ءے ثغ آن در یہو تینگ کن پین مُستی دنگ ء۔ مرید نا دُمزاحمتی ء شاعری بیوس و زور ء بلوچ اُلس نا گنگ ء دام ء احساس آتے ہر و ربو ء دُو تینگ نا سوب جوڑ مرو ء۔

کوک ء بنو وخت پاپیک بش متورے مش مریرے

ظلم نا مونا اگر نم مش متورے مش مریرے

دانہار شوک آملی توہیت اٹی سر پدمفک بچ

دانا وڈ گراست کش خن کش متورے مش مریرے

بلوچ تاریخ نا پنے غاتے آہر افکری و مزاحمتی فلسفہ تالان ء، یا پستو یکمی کرن ناہر بلوچ مزاحمتی جُہد متنگ ء، مرید نہ بیرہ دانار ابند آتے آن پُہہ ء، بلکن تینا راجی ہڑ و جنجال آتے ہم سرپند مریر۔ ہندن مرید داہم جو ان چا نگ کہ زور آور نا زور آوری و بدی تا اے سری کن اُڈ تون مزاحمت کریسہ مُون تینگ درکار ء۔ گڑا سر سہمی دُوئی متنگ کیک۔ دُنکہ پانک۔

مہر نا سفر جاری مرشد و مرید اتو

دور نا حسین اُٹ ای جنگ کنایزید اتو

پکہ نا گرتی ٹی اینو ءے کرینٹ ندر

کتنے کلہو ننا صہب نا امید اتو

نڈ دوارے کتو خاص است ہشو کا تا

مرید بلوچ اُلس ءے ہمو کسرے نشان تینگ ناخو اسندار ء، ہر اڑے مزل کن تینے ندر کنگ نا فلسفہ آجونی نا کڑ داس جوڑ متنگ کیک۔ داڑا ان بیدس

پین مچ کسراف۔ اسے شیر اسے ٹی داوڑتینا خیال آتے درشان کیک۔

است صفا ٹکرے سگ و جگر سلتنے

مومن تر وکانا دوست مشر سلتنے

کشتے خنے گرگ سنا کسے کہے کپ مرے

چلتی آخزم اکے پین کسر سلتنے

وخت ہمو تارخ نے نوشتہ کنگنک۔ ہراڑے بلوچ فرزند آک مش تاٹول آتے سگر کرین۔ و تینا زگرے دتر اٹ چا گردے خیسن رنگ تنگ۔

مرید ہند اتارخ نے تینا لوظ آتے ٹی قید کرین۔

امر پانچھ مریرہ مشک دھرتی نا

ہراڑے تر مریرہ سر مچار آخنک

خوش روح و ہیت ہیت آٹا کو خلوکا مریدنا است و جگر اخہ درتہ ٹی پٹی۔ داد ہمو بندغ جو ان پہہ مریک، کہ او مرید نے ٹوک آن خنان۔ و چا بگ

تہ۔ مہربان و سنگت مریدنا شاعری نے اول دے اسے آن نہ بیرہ خوائیسہ کرین ٹٹ، بلکن او نا چند آن ہنیسہ ہم کرین ٹٹ تہ۔ ڈیہہ نا آجوتی، زگرے

ورنا تاساہ نے ندر کنگنک، مریدنا تینا مہرے آجوتی نا گودل کن ندر کنگنک، ڈیہہ اٹ تالان و جگر، پھل و سنگت آتانا گمان نا جتائی او نا است نا خازہ غا

ٹپ آتے ہر اوخت ٹو مبک تو او نا دڑ دلو ط تالان کیک۔

درد، بے وی، ڈکھ، لنگڑی، ملاسی تو

مخ، خف کہ داوڑ دیک امپسا گرتی ٹی

اسے پین شیر اسے ٹی مرید تینا زہیری و دڑ دآتے داوڑ درشان کیک پا بگ۔

بنکن ٹپ اسے مستانی تینا استوشورانسک

بھازنی گل گلاس تہار آتیٹی خیالے دنا مرید

ہندن مرید تینا دڑ دے بیوسی تے تون تینا او ار سوار کر یسہ دن پا بگ۔

کرینوئل امیداتے ہنیو زندگی سینا

پڑی افس دتر کو داٹو کو بے وی سینا

تخلیق نا پھر آ انسانی جوزہ غاک نہ بیرہ کڑ داس ادا کیرہ، بلکن کینوس آراج ناخرین و راستو کی تے ہم تالان کیرہ۔ ہند اکان تخلیق کار تینا ڈکھ و

وہیل آتوں او ار تینا چا گرد اٹ تالان و ہر و جبال آتے آچمشانک اس شاعک۔ ہمو ڈکھ و دڑ دآک کہ بلوچ راج اٹ تالان و، و ہرا بلوچ ناخن و

دیدہ غاتے کشان۔ دافنے مرید تینا جوزہ غاتوں او ار شاعیہ، زہیری وند و کایات آتا استعارہ اس چست کرین۔

پستِ جنتی و دیدہ سینا

خشتیِ محملِ تنخو کے

نشد سکا یا رسا تک

ناسر و زوئل تنخو کے

اسہ پین شیر اسے ٹی داوڑ زہیری تے درشاک کیک۔

کو پہ کو پہ دو پہ دو اوار

مہر نادر و شاک انار

بلوچ سرزمین ہر جنگی پلوڑی، دانا اثر شاعری آہم تہمان۔ و بلوچ راج ٹی مروکا دامزاجتی شاعری کے گچین نظر اسے اٹھنگ انکے۔ وہیلی و دامد ٹی بلوچستان نا شاعر آتا کردہ اس زہیل نا گلابی و جوڑ، پینگن و زلف و مرغن و گواپ آتے نازیفنگ نا جہ آہند آسیاسی و جنگی چک و تارنا گواچی مروکا اولس نا ڈکھ و دڑ آتے تینا شاعری ناسر حال کنگ ٹون اوار قومی شاعری ہم کنگ۔ مرید نا شاعری ہم اگہ اسہ نیمہ غان مزاجتی، تو ایلو پارہ غان قومی ہم ارے۔ دُنکہ اسہ جا گہ اس شیر اسے ٹی پاک۔

ڈغار و آسمان استاک تینا

ننا ایتنا کپینے خاک تینا

مرید قوم و ڈیہہ نا ڈکھ آتے سینہ ٹی جہ تر یہ دادرشان کیک کہ ہم قوم اک مدامی و زندئے خیرہ، ہرافک ڈیہہ نامش تے آندر منگ کن ساہ آن اتج ارفیرہ۔ داسیر اوناہند اجوزہ غا تادرشانی۔

نن مرید اکن وطن نا

نکے تو مقل تنخو کے

بلوچ تاریخ و بلوچ راج اٹ "شیر زال" ہم علامت، ہر انا لولی لمی و ڈیہہ نا رکھ و کن ورناتے نہ بیرہ سلحہ بند کرین، بلکن ورناک جوڑتے آ تالان و بشندہ و شاد و جب اٹ تینا ساہ و ڈیہہ نا آجونی کن ندر کرین۔ جنگی مد "شیر زالی" و دا جوزہ غاتے بتری و دقک۔ مرید یستو میکو کرن نادا بلوچ مزاجتی جہد ٹی تینا جغرائلر تے ندر کروکا شیر زال و لمہ ناہند افر اغ و فکر، جوزہ و سوچ و تینا لوظ آ تا زیب و استعارہ جوڑ کر یہ اینونا تاریخ و نوشتہ کرین۔

امر نے لمہ کرینے موکل گمان آن مُستی بیان آن پیشن

دُنو جغرسگ دُنکا تو کل گمان آن مُستی بیان آن پیشن

خدا آگہی نا گڑمبادر یا شعور نا پند جتا و تاک آ

ڈغارِ چنڈوکا گوک ہکل گمان آن مُستی بیان آن پیشن

مرید نامزاجتی شاعری بلوچ ڈیہہ نامڈھی تالھٹ وپل وقوضہ نابرخلاف تو اراس چست کرسیہ جہدنا استعارہ اَس جوڑ مننگ ء۔ وھندن مرید نامزاجتی شاعری بلوچ مزاجتی فلسفہ فکر و مسخت ءے نہ بیرہ براہوئی ادب نا اَسہ گچین ء حوالہ اَس جوڑ کرین ء، بلکن آخوبت ٹی بلوچ نالخ ٹی لوپ غلامی ناطوق و مت تا بھیڑی تے پرد غنگ نا ہم علامت اَس جوڑ مروئے۔ انتے کہ مرید نا خیال و گمانک ذہن ءے ٹو ممیرہ، وپہہ ہی نا فکر اَس چست کیرہ۔ دُن ء فکر و خیال آتے آپنہ غاتا پینہ نوشتہ کننگ مریک۔ ولے داسر لوظ ءے مرغن کننگ آن زیات مرید نا شاعری ءے هُنگ وخوانگ نا ضرورت ء۔ گڈ سرٹی بیرہ اراھیت نوشتہ کننگ خوانہ۔ اَسٹ دا کہ ای تینٹ شاعر اَس افٹ، شاعری نافنی وڑ وڈول تے پہہ مفرہ مرید نامزاجتی شاعری ٹی ہر افکرو خیال آتے محسوس کریٹ، ہمو فتنے نوشتہ کریٹ۔ اِرمیکو دا کہ کنے مرید نا درو شم اٹ ہمو شاعر نظر بریک، ہرانا بارواٹ بلوچی نا پنی ء شاعر چکھا بزار پانگ "شاعر بیرہ راستو کی تے درشان کیک، وداراستو کیک کس اَسے نا ہم برخلاف مننگ کیرہ"

خادم لہڑی

راستی ناشاعر

تینا جوزہ، احساس، خیال و تخلیق آتے اسے فنی خوڑتی سٹیون لڑیہ مخلوق ناجوزہ غاتے زیات و متاثر کنگنک اوہم لوز آتا ڈھلک آپرہ غاتا پد
آن، شاعری و ادب منگ کیک۔ داکان زیات ادب و شاعری نابابت ای چس تیرہ۔

داڑان بیدس ہم کئے داترف تنگ کہ ای اسے شاعر اس نہ مریہ ہم پنی آ انقلابی شاعر استاد مرید بلوچ ناشاعری ناکتاب ”رخصت اف“ ناسر لوز
نوشتہ کنگنک۔ اڑمیکو ہیئت داہم ارے کہ شاگرداگاں استادنا کتاب ناسر لوز ۽ نوشتہ کیک انت گوڑیفو کوہیتس اف انتیکہ اگاں ای تیٹ شاعری نابناء
نابابت گڑاس چا وہ تو اوہم استاد مرید ناخواری واست خواہی تا سوب آن، اولی آ زور شاغیہ کئے ادب و شاعری نابابت بھازا گڑا تے ہیل تس۔ استاد
مرید کنا شرف مند اوہر وان آ استاد ہمیش ہمگام مسونے، اسے گچینو ہمسفر اس مریہ کئے او ناشا گردی ناشرف ہم دوئی مسونے۔

ہر اداسکان ای استاد مرید بلوچ ناشاعری ۽ چانسوٹ یا چا وہ تو استادنا تیوی شاعری ناہمسی مسخت و فلسفہ رزمیہ شاعری تون او اسٹری آحالیات و
بروکا وخت نابابت ادراک و پیش بینی قومی آزاتی نا جنگ نابابت قوم ناجوزہ و احساس آتے زندہ کنگنک و بش کنگنک ۽۔

دا وخت استادنا شاعری ناسوب آن بلوچ قوم خاص وڑاٹ بلوچ ورناتی قومی جنگ نابابت جوزہ و حوصلہ و دی منگ تون او شاعری نابابت اسے
پوسکنورنگ اس مونا بسونے ہرانا مثیل ای تیٹ اٹ کہ قومی جنگ نا پڑا گام تنگ ناکنا اولیکو وسیلہ ہم گواچنی انقلابی شاعر آتا شاعری مس و دوارہ
ہمیش استاد مرید ناشاعری کئے وخت تون او جوزہ، حوصلہ بشخا و احساس تس، اونن تا تہار آچی مرے، تینائی ناخلیفو کا ویران آ کیفیت مرے، سو
تڑوکا خ و بانی نا بے رحم آ ساعت آک مریر، وارس بین، ملاسی وارس بے تعی تیٹ ڈب ہلوکا ساعت مرے و داہنیان زیات دشمن نا گیرٹ مریہ
ہراڑے ہر پارہ مرک بنا پر واندہ غاک لُح آ لگوک وارس بے اُیتی نا صحرائیان امیت نا خلستان آ تیٹ واپس دنگ اٹ استاد مرید ناشاعری ہموکڑ دار ۽
ایسری تسونے بلکن دافے ہر اداسکان ای محسوس کیوہ پین کس کپر و انتیکہ دا حالیات و ساعت آ تیان ای اسے وارنہ بلکن وارو ارگرد ریگانٹ و بلکن مُستی
ہم گدر یگوئی تمو۔

انداسوب آن ای پاش وڑاینو دا پاوہ کہ رزمیہ شاعری قومی و انقلابی جنگ آ تیٹی بدن و روح ناسیالی نا ڈول مریک، اگاں جنگ بدن ۽ گڑار زمیہ
شاعری او ناروح، اگاں جنگ روح ۽ گڑار زمیہ شاعری او نابدن ۽۔

استاد مرید نا فلسفہ شاعری کتاب ناتوہ غاشخ آ تیٹ نم بلوچ قوم و وطن نا قومی آزاتی و خاص وڑاٹ تینا شہید آتا نابابت اسے انتہاء تیا سر مروکو وڈو،
احساس، ارمان، اُمیت و سختی تا او اسوار ۽ تران س پاش وڑاٹ خنوک مروے۔ داڑان بیدس تینا شاعرانہ کلام اٹ استاد نغد کاری تیان چا گڑو و
تحریک نا زوری و کمبوتی تا حوال ۽ ہم ایٹک یعنی اسے جوانو شاعر س، اسے گچینو نقاد س قومی آزاتی نا کاروان نا مسافر درویش صفت ۽ بند غس ہمو وخت
منگ کیک ہر اتم بندغ ادب نامیدان اٹ اسے گواچنی، ایماندار و راستگی نابیرک ۽ چک کر یسہ بیدس بیم و جوفہ آن شاعر اس مرے ای استاد مرید ۽
اندن سر پد مر یوہ۔

بشیر زیب بلوچ

سنگر ناشاعر

جہان ناجا خطہ غائبی جہد آجوتی نہ ادیب، دانشور، عملی راجی سیاست دان آتا بھلو کڑ دے، کنا مطالعہ بیدس بلوچستان آن پین چس اف ہندا سوب آن ای جہانی مثال تنگ کپرہ ایہن توڈاکڑچی گویراغان ہلیس فیڈل کاستر واسکان کئی مثالاک ساڑی ء۔ ہندن بلوچستان نا تحریک نا جہد نہ ہم ناسیاسی راہشون، وکیل، فنکار، ادیب و دانشور آتا کڑ دکل بنا مونا پاش ء، ننا راج اتون ظلم زوراکیک منگو تو ریاستی میڈیا داباروٹ خن تر ء۔ ننا ڈیہہ ناول آتے گیشتر ننا ادیب و دانشور، وشر پاروک آک تینا علمی ادبی شاعری تا دروشم نہ مونا ایسو و ہنگو، داڑان ننا راج ء چانداری تنگ ناسر سوب ء عمل اس مونا بسنے وینگے۔

داجنز چو دروشم ایٹ بید ء سر سوبی آن ایسر مفک، ہر انامش تلار و گدان گدان نہ شہید فقیر محمد عاجز، و شہید علی جان ثاقب نا پرسوز آتو ارننگے، ہندن شہید پرویسر صبا دشتیاری و شہید رحمت اللہ شاہین نالوزاک ٹھی آکا غذا تا سینہ ٹی آجوتی ناوردے کنگو، پین کئی شاعر ادیب و دانشور اک داجہد ٹی تینا وس ء واک بنا کچ کاریم کنگ نئی ء ہرا کہ راجی جہد ء مونی دنگ کن اسہ زوراکو پڑوئے۔ تو ہندا خاک بنا اسہ پین اس ”مرید بلوچ“ ء ہرا کہ سنگر آتا زیبائی ء، اونا شاعری چلتن، راسکوہ، گودر، سوئی، پارود شور، بولان و ماران بلکن تیوی بلوچستان ناباتی تا بزگی ء تینا فکر اٹ قلم بند کرسا ہندا کوک ء کنگے کہ:

کوک ء بنو وخت پانک

بش متورے مش مریرے

ڈیہہ بنا غیرت مند آگبل آفرزند آتیان اسٹ مرید بلوچ ء ہرا کہ فکری و عملی جد و جہد نہ ڈغار تون وفاداری نا بیوتے تنگے۔

اونا شاعری یار بنا زلف آتیان آجوع، مرید بیرہ لمہ وطن نا عشق نہ گنو کے، ای انداسر پدمریوہ براہوئی زبان نامزاجتی شاعر آتا اولیکو چرنا شاعر آتیان اسٹ مرید بلوچ ء، اونا شاعری تینا کچ فنی وڑاٹ ہم بسن ء، کنے دا اعزاز دوئی ء کہ اونا گیشتر شاعری تے ای اصلاح کرینٹ و اوڑ تو بھاز آفنی شیفی بڑی تابا بت شرہ کرینٹ ولے اوخس وخت و حالیت آک موقع تنو کہ تیوی شاعری ناتہ مجموعہ فنی بڑی شیفی تا جاج ء ہلین پداہم دا ونا کمال ء کہ دونگا سخنگا بحر آتیا ہم باز زیبائی و کاریگری نہ کاریم کرینے؛

سینہ، سُم، ڈغار، عشق، راج

قصہ اٹ اسٹ ء رنگ ہزار

یا

ہر وارن سلین دراکفر حق بنا
ہر وار تو بہ کین واہر وارن گنین

یا

بچ تمپ نناست دا ابدال مزاج آ

نس زبراسل بھاز کہ گنام مروسن

اونا فکر بنا بڑی کوہ ماران تیتون ہمسری کیک، اونا لوز آ تا خلنگ ناجادو باز کم شاعر آ تیتون ساڑی ء، مرید قافیہ وردیف آتے ہراوڑ زیبا بلکنے کنا خیال
پانک داوڑ براہوئی ٹی باز کم کاریم منے۔

مرید ناشاعری تا مجموعہ ”رخصت اف“ نما موناٹے دادے خوانواوڑ اتینا علمی وفی تبصرہ غاتے مون ایتو، کتاب ء خواننگ ناوخت آ اسے گڑاس ملی
اٹ تخیرے کہ مرید ادبی آسرکل وسوسائی تیان مڑاسے خن کونو نہار استیو سینہ ترسیہ داشعر آتے لکھانے۔ گڈ سرٹ مرید کن کنا نیکنگا دعاک۔ اومیتے
اومون مستی پین پینکونو فکری گشاوڑ آن پر ء شاعری موناہتو۔

”عمر راہی بلوچ“

10 فروری 2019

وطن نامرید

بچو بندغ اس حادثہ یا شوق کسے آن شاعر منگ کپک۔ ہر کس تو دافن مرید او اسے خاصو وڑنا حساسیت استیون ودی مرید، ہرانا سوب آن در دتوں او ناسہ سیالی اس تفوک مرید وانداسیالی اودے بندغی نا جہانی لڑتوں گو فک، داہمو مرید ہرانا حانی او ناگل زمین، ہرانا اُست اٹ بلوچستان ہندی و خاک نڈا وڈ او شاعری اٹ موناہنگ۔ داہمو مرید ہرانا عشق نا سخت آکسراٹ تینا لوز آہیٹ اُمیت نارژن و تالان کنگے ہراڑے او نالوز آہیٹ ڈ غارنا ڈ کھ و نا لہ غاک، ہموڑے او نالوز آہیٹ جوزہ و ہمت ارے۔

داہمو مرید ہرانا تینا حانی یعنی تینا وطن تون مہر و وفا کنگ نا لائی ارے۔ مرید نا شاعری اٹ اندو صہب اس ارے ہراناے تورک و بے وس کیک کہ نم ٹہیفو کاہد و ہویل آتیاں مُستی سیل کیرے۔

تدوکا بھاز سال آتیاں ای لمہ وطن آن پشن زندہ گد ریفتنگ اٹ، ہر اتم سنگت آتیاں مرید بلوچ نا شاعری کسے اسکان سر مس تو اندن گمان مس دنکہ کسے تینا ڈیہہ آن مری وز ہیری ٹی دوی اس رینگا۔ کنا تینا مخلوق تون تعلقدار ی پنگن و کڑمب مریہ کرے۔ مرید نا شاعری بلوچستان نا عکس مریہ بس (ہر اکلام کسے بے کچ متاثر کرے اودے ای آہنگ تون پارسیہ سنگت و دوست خواہ تیارادہ کریٹ۔) و ارادہ کہ مُستی پین غزل و نظم ہم پارسیہ کروٹ۔

ای سر پد مریوہ کہ مرید بلوچستان نا نمائندہ ہر ا بے دادی و بے انصافی، ایلو حالیت و واقعہ غا تون او ارنا بے بختی و گچنی تون شاعری نادر و شم اٹ راج دفتر نا شیخ جوڑ کرینے۔ بلوچستان او ناروح اٹ دم ہلیک اندا سوب آن ڈ غارنا وڈ او نالوز آہیٹ بے کچ ساڑی۔

دُنو ای شاعری نا فن بنا بابت زیات چاہنداری تحیر و لے اسہ قاری کسے نا حیثیت اٹ ای داپانگ اٹ رد مفروٹ کہ مرید نارہی آ بلوچستان نا ساڑی آندارہ خنگک۔

اونا شاعری اٹ ہراڑے لمہ وطن نا ڈ کھ آتا داسستان ارے ہموڑے بلوچ اقدار و نعت تاجہان ہم ساہ ہلیک و انسانی بقاء و سلامتی نا عظیم آسخت نا پارہ غارژنا مرید۔

سنجد بلوچ

(دیارِ غیر)

مزاحمت زندہ

”ای، ہمو ہرا کہ جہانی امن ٹنا ٹیکی ءِ دوئی کرینٹ، مونجائی تون انداسرید مریوہ کہ بیدس
تشدد آن لاطینی امریکہ ناویل تالیسری کن پین ہچو کسراس آف“۔

جوزے ڈی کاسترو

تیوہ غایتان الٰہی آسوج داودی مریک کہ ادب انت نئے، ادب ناگچینی انت نئے داسوج ہمو سوج آن بھاز جتاء کہ ادب ءِ انتس مروئی ءِ یا امر مروئی
ء۔ بھاز بند غاک ادب ءِ فارم (ہیت) تون گنڈرہ بھاز اک دائی معنی و سخت ناپول ءِ کیرہ اندن بھاز بندہ غاک ادب ءِ ابدیت (ہیش مروک) نا
دروشم اٹ اریہ و بھاز اک بے توار آ بند غا تا توار متنگ ناعمل ءِ ادب تون گوندرہ ولے داتیوہ غایتیٹ اسے گڑاس اسٹ ءِ کہ ادب لاشعور ناتروک نئے و
لاشعور ناودشت اسے واقعہ نئے آن مفک بلکن وخت اوناودشت ءِ کریسہ کاہک، لاشعور وخت ناساچہ ٹی تمیسہ کاہک و اندالاشعور ادب نا تشکیل نا
سوب مریسہ تینا درشانی ءِ وارس باگل و آہنگ نادروشم اٹ یک وارس نثراٹ مزاحمت ناچیدہ کس مریسہ مونابر یک۔ داسہ گال دارداٹ مزاحمتی ادب
ءِ اونگے توبلوچ قوم آہر اے دادی بھاز آ کرن آتین برجاء داہمو بیدادی نامہروانی ءِ ہرانا سوب آن لاشعور اٹ مزاحمتی ادب ناودشت منگے اندالا
شعور نا حالیت اٹ تینا اظہار مزاحمت ءِ دڑدو کرب نادروشم اٹ، باگل و آہنگ نادروشم اٹ کنگ ءِ۔ مزاحمت ہمو ہرا محکوم آ بند غا آتے غلامی نا گندہ آ
تارمئی تیان کشیسہ بند غی نا آسمان آسر کے، دڑدو ہمو بے وی ناہرانا خن ملنگ آن صد آسالا تیان مُست تینا رندا آتے رغ رغت ہلانے۔ انداراجی آ
دڑدو ڈکھ آک ہرا تم کنا شعور و لاشعور آتینا خینا شال ءِ شا غارتو منہ دڑدی و خیال، منہ ساہ کنکو چرکاؤ، منہ چہیانٹ، منہ پریات و منہ چلتنی آہگل
آتے بولانی آتخین ناسیجائی دوی رینگا۔ بقول ساحر لدھیانوی کہ حادثہ غا تا دروشم اٹ کنے انتس کہ رسینگے ءِ تجربہ غا تا دروشم اٹ ای داتیوی
غا تے واپس تنگٹ۔ انداسیالی ءِ جدلیات پارہ کہ چا گڑد امر دمازاحمتی ادب آن مٹ منگ یک و چا گڑد نا بے دادی امر دا ادب ءِ تشکیل ایٹک، بے
دادی و مزاحمت اوارکارہ و مزاحمت بے دادی نازمزیر تے دیرکنگ نا وسیلہ جوڑ مریک اندا سوب آن پارہ کہ مزاحمت زندہ ءِ، مزاحمت سیاست و
مزاحمت تعلیم ء۔

ای شاعری نا پنا ءِ 1997 اٹ کریٹ، شعر دیچا پانگ کیو کپرتا بس نثری دروشم اٹ منہ پنوکو خیال نسرہ 2002 اٹ اولیکو وارڈیہ ننا بے وی تے
زبان تروکواسے مہروان ءِ خواجہ سے آن شاعری نا اولیکو سچ ءِ ہلکٹ۔ سال ہمو کس کہ بخت ءِ بے بختی تما کہ ای قوضہ گیر آرمی ٹی ہناٹ 2002 آن
بلیس 2010 اسکان تانکہ ای آرمی ٹی نسوٹ شاعری کنگ کٹوٹ، خیالاک کنے آن خرکریرس وای تینا جند آن۔ 2010 اٹ ای عمل نامیدان نٹ
فکری آسنگت آتو اوار تماٹ توہمو خیالاک کہ دم تسو سُرک اسیکہ ولدا کاٹم ارنگ ءِ بنا کریر ولے داوار نئے جتاؤ دروشم اسیٹی جھمر آتویاری ٹی زلف
، رخسار، یار ناقصہ غاک بے وی نا درتیتی مین ہلیسہ ڈب ہلکر، زندنا دا جہد کئی پند آتا بال اٹ وختس کہ جارات کنگ ناساعت اس دوسکہ توای

شہید امیر الملک، شہید نثار صبا و منہ پین ہنیو سنگت اسٹ ایلو تینا شتر آتے بنیفنہ اسٹ ایلو نا اصلاح ء کرینہ، شہید امیر شاعری نا نماسی آگڑا تے پُہ مسکہ وننے پاریسہ کر یکہ کاروان مُستی ہنیسہ کرے اوکان گڈ شرفدار آ استاد عمر راہی بلوچ کنا چچکول نٹ بلیسہ کنے عروض ناشیٹی برزی تیان بلد کرینے کن کونا گنگ دماغ کے اونا خواری تاسیخا نا حید آتا گند جہانی آمسک عنبر وعود آن بھاز برزاء۔ انداؤ (9) سال نا وخت نٹ بھاز آ شتر آک خیال ننا زوری نا گواچی مسر، بھازاک جلاہو تیٹی ہشڈگار، بھازاک چکل آتا ہیناری نا بشخ مسر، اخس کہ سلیسرا ونا مومون نئی ء۔ داشعر آک جتا وخت اٹ جتا آ کیفیت آتیٹ نوشتہ کنزگانو، جائس جند ننا زوری تیا، جائس دشمن آتا چم بازی وکرا تازی آ، جائس لکھ مراد آ یا ر آتا جتائی نا ڈر داٹ، جائس تینا حائل آوطن نا بالادینا صفت اٹ و جائس رُژ نا غا آجونی نا عشقٹ مسٹ وگنوکی نا حالیت اٹ، کنادابے لغام آخیالاک شاعری نا پاک آ اصول آتیا اخس ڈریرہ یادڑپسہ داسہ دافصلہ نمادوٹی ء۔

شہید علی شیر کرد، شہید نثار سنگت، شہید امیر الملک و شہید نثار صبا نا "رخصت اف" نا کلہو آن ہلیس پھل آریحان جان و رازق جان نا سانده سلوکا فلسفہ (اوارن) اسکان ای تینا پٹی آگال آتو نمٹو بندغی نا معراج ننا پارہ غا ہنو کا گام آتیٹی ہر ساعت و دم اوارن سوٹہ، اریٹ و مُستی ہم مروٹ۔

بیرہ نما
—
مرید

کنا شراک بولان^۹

کنا ہر شعر بولانے
کنا بند بند چلتن کو
کنا نظم اک آماچی
کنا فرد اک سنگرتا
ار پرک سیم سر تے نقش
ردیفے کیوہ ای سُر مہ
مِشٹ ساجی نا اے تینا
الیوہ قافیہ تینکے
تراتی و بھبور آن
عروضے کیوہ انا م ای
زہیرونک و ہلو ہالو
لڈے لڈے لڈے تیٹی
روانی خیال ناؤ نکہ
جلے مولہ و بڈ ونا
وہو کا کیچ ننا کو رے
یا ہار آ اُچ کمانی خنک
ردہم ٹی پیر غیبی آ
جمالیات جمبازاٹ

برے گوا درنا لہراتن
تہو تو فکر نہا حجرے
طواف ای کیو ہر ساعت آ
دترتے آن وڈھ آتا
اتوک استعارہ تے
شہو ریکا تا سینہ غان
ترؤ کا تشبیہ تے تینکے
کنا لوطا تا حرکت ٹی
شپادی بے وسی ناڈ کھ
سلو کا حرف ٹی دردے
کسر ٹی دم درو کا تا
کنا کل نقطہ غا تا غم
نما چوری گری نائے
کنا دیوان ءِ خوانگ کے
بلو چستانے ان خوانک
بلو چستانے خوانگ کے
کنا شعر آتے معنی کر



ذرا باٹ برف بن خُلقن نے اِلے نناوڑ
خلاسن دیرِخل تنگن نے اِلے نناوڑ

تینانت تے گھنگ پرغن تقن خفتے تڑن دو
خدا کے کانن پنن نے اِلے نناوڑ

نما اے آسمانٹ اف نناوڑ ناگرٹ اراج
تینے خاک اٹ تینا چنڈن نے اِلے نناوڑ

تہو تو چار بند اوغن تقن سگر تے فردس
تلار آ تے غزل لکھن نے اِلے نناوڑ

دس تریاق آیا دآ تو منہ ٹا کو خلیک
دس نادر د تو اوغن نے اِلے نناوڑ

ملن باریم عدم کشن ذرس تولن کسر تے
پدا اشتاف ٹی امپن نے اِلے نناوڑ

صفا کور آ دا چا گرداٹ چراغے فکر دو ٹی
مرید آ توں خن بشخن نے اِلے نناوڑ



باسنا جو زہاٹ ڈر دسے ناپنے
زندگی بخ و آسٹر دسے ناپنے

تہہ نیشیفی برزی ننا خٹک مر
کیک مشتا ارس کڑ دسے ناپنے

بلکل اوخل خلے رُژن ننا تس دتر
بیشک اسلم اسے مر دسے ناپنے

عرصہ سینائے استٹ ننا شیشہ غا
لوڑسے، دنزسے، گڑ دسے ناپنے

ورد کے حامل آڈیھ ولی آمرد
ناوڑ وپین کوہ گڑ دسے ناپنے



سہیل آتا پرادے آہ وزارے
دتر ذکر و ہتم تیکن بکارے

اسے رنگ اٹ کریرے بند زندے
خنارے ریک و مش نم ہس خنارے

امر ننگے تخارے دامء استو؟
امر تینٹ تینا کڈے ختارے

عجب کشانے کاٹم شاعری نا
پرارے فکر خیال نس سر مچارے

پتاک ہم پھل مریرہ یار شہزاد
اسے دے نس صرف نتو گدارے

ہُشک ہر وار فصلء ایلیمی نا
نمانج اٹ اے چا کرزار اوارے

منہ سالے پری تو آجونی نا
مرید نس نشہء مست و خمارے



هشوکو پھل پدینو پت
شلا نو غمک ہینو پت

نماتر وکا گواڑخ آک
بہ ارامہ کرینو پت

کمال ءختا خیسنا
پتاک بیریفنو پت

مُدام اُست ریشما
مُدام خنک دسینو پت

دامہرے موسیٰ مرید
ہتمک باریفنو پت



خیال زدغہ تل تھو کے
دسکا تو تمل تھو کے

گنب نئی بندے سمندر
ناوڑاٹ صد جل تھو کے

پہنا پڑک مسٹرنا
لا دئی ماہ پل تھو کے

آجوائی ناچیدہ غا اُر
ریک ساہ و خل تھو کے

پورے سیا مارالتنے دا
زلف سے ول ول تھو کے

نشو دسکا یار سا تک
ناسر و نزول تھو کے

تخ تھینے شار خلقت
خاخر آ جنگل تھو کے

تولہ غامیر آتا ذہن اٹ
شوکی وٹکل تنخو کے

مُستی مرکہ وارنائے
الپیس ابل تنخو کے

نن مریدا کن وطن نا
تنکے تو مقتل تنخو کے

(تممل: بلوچی ٹی مطلعِ پارہ)

☆☆☆

برکہ پٹن اوار

ای تینا ایلمے

نی ضمیرے تینا

☆



نمالماسی ناچشمہ نثو
مزل تاڈس آک نقشہ نثو

ہراڑے ورنائی عہشاسک
بہ تول نی شاغ قصہ نثو

منہ خلی چہرہ پمہ وخن
صفا منہ است شیشہ نثو

تقینے جہمر خرینو یادس
اڑینگے دسکان مصرعہ نثو

خدائے من دامنے یلہ کر
گنوک اُنک ہلپہ تمپہ نثو

علاجِ حائل نازارٹی کین
مریدی آخنک دوشہ نثو

”ہمودے رہبر“

ہرا کہ تینا کسرا چائیک
کسرا پائیک کسرا ٹے کائیک

ہمودے رہبر ہمودے رہبر

ہرا نامسک اثر تران اٹ
ہرا دے سوگو دماغ جان اٹ

ہمودے رہبر ہمودے رہبر

ہرا کہ اینو مڑا بلاتے
ہشانے ذاتے واخوا ہشاتے

ہمودے رہبر ہمودے رہبر

ہرا بروکا زمانے پُہ مس
گدانے پُہ مس جہانے پُہ مس

ہمودے رہبر ہمودے رہبر

نظر تے شوم آبد آتے اڑسا
ہرا ناچیدہ رد آتے اڑسا

ہمودے رہبر ہمودے رہبر

(دا نظم نانہنی خیال John C Maxwell نا قول سے آن ہلو کے)



عنبرئس خاخرئس ددرئس ناؤروت
اسپرئس لشکرئس سنگرئس ناؤروت

روشن اس نتا پیشانی آناخرٹینک
صہب ناکاٹم آدیگرئس ناؤروت

انت ہتم تا پنا مسنے نیقوساہ
اشکن در پردر بے درئس ناؤروت

سورہ غافلر کے جوزہ کن کرکٹ آ
مہرنا زم زمٹ جھمرئس ناؤروت

زندے زندہ تھانے ننا اے مرید
مسختئس سنگتئس دلبرئس ناؤروت



الک تہو آرنڈس ایہن کیسہ کاسہ
کر جھمر اتو پنڈس ایہن کیسہ کاسہ

استارے فکر نابل نازٹ دُروت داوڑ
پو رات مرے نے ہندس ایہن کیسہ کاسہ

خن تو وضو کروکا دھرتی نانا زبوؤ
طواف کرنی سندس ایہن کیسہ کاسہ

گر پُہ متوس تینا ہستی نانیستی تے
ذات اٹ مریسہ ژندس ایہن کیسہ کاسہ

کے آسمانے تل تل چنڈے مرید ڈیھ ۽
لکھہ دنونی بندس ایہن کیسہ کاسہ



نن صُہب نُسے نامیڑھ آ انگ اُن برنثو مرنی ہمگام سنگت
دُن چاکہ تینا میڑھ آ انگ اُن برنثو مرنی ہمگام سنگت

اے کہ تھینے زمزیرنت تے استس بٹینے رُژ نے تھینے
اینو ہے نامیڑھ آ انگ اُن برنثو مرنی ہمگام سنگت

مونا تھارا تاخمبٹی نن ولا خدا غا دردی اریک
استار دے نامیڑھ آ انگ اُن برنثو مرنی ہمگام سنگت

انجیر نا پھل خف تیٹ خلیسہ گواڑخ گلاب و شکل اٹ تھونا
ولدا برینہ میڑھ آ انگ اُن برنثو مرنی ہمگام سنگت

دھرتی نامشتا کو پھ مریسہ مرگے بخیراٹ پارین گرن
زندہ مریسہ میڑھ آ انگ اُن برنثو مرنی ہمگام سنگت

بس کے شلنگے دڑ دآ تا داسہ خوارا مریدا یا را مریدا
دکال آشینا میڑھ آ انگ اُن برنثو مرنی ہمگام سنگت



امر نے لمہ کرینے موکل گمان آن مُستی بیان آن پیشن
دنو جگر سگ دُنکا تو کل گمان آن مُستی بیان آن پیشن

لڈے لا با گل تفو کا کلہ د مال در کڑ دادیرہ انا م
اے بیر یفو کا د تر ٹے ماہ پل گمان آن مُستی بیان آن پیشن

خُدا آگہی نا گڑ مبادریا جتا و تاک آشور نبال
ڈغارے چند و کا کوک و ہگل گمان آن مُستی بیان آن پیشن

ندارہ خاک ہور بائی گم وہبکہ حیرانے آسمان ہم
جنون عشق و دامہر زیبل گمان آن مُستی بیان آن پیشن

تر و گڑ و سُم مرید و حائل اے ناز بو آسمی و بولان
مخو کا گواڑخ خویینکی آخل گمان آن مُستی بیان آن پیشن



کہ طوبے تے ٹگر بہ استار پرغن
مرے دے دترچر بہ استار پرغن

انا آسمانا تا باہوٹ مس یار
ارے دیدہ ہم مُر بہ استار پرغن

نی اَلے دا منطق دلیل آتے تینا
سد اسلپک اچ سُر بہ استار پرغن

کرے خوندی خن تے تہا رُس دنو کہ
مفک است اسل پُر بہ استار پرغن

ہراڑے دنو وار ملے پدانا
خدا غاتینا اُر بہ استار پرغن

اگر خواہ خن تیکے ناما گمی آ
مرید رُس دسے دُر بہ استار پرغن



گوند کک دماغ اُستے جان ساہ گرتی ٹی
دیر خاری آخنک بس نما گرتی ٹی

مہر نانا قصہ ایسری ناسیم آٹے
ای صفا گلوبال اُٹ اوصفا گرتی ٹی

دوپہ دو تہارا آتو رُژن نانا مسافر کو
پوتڑو کرے اُسستس ہائے دا گرتی ٹی

عقل چڑت نئی سر چر عشقنا مرے کائے
عشق تمپیک بچ بر عقلنا گرتی ٹی

درد بے وسی دُکھ و لنگڑی ملاسی تو
مخ مخف کہ داوڑ دیک امپسا گرتی ٹی

بیر یفینیس ارمانس کشکینہ خط یزکاتے
نی ہرا امید آتونن ہرا گرتی ٹی

وخت اگہ نے ملا تو نی خنس مریدے یار
پار مکنگنے تینے نا کنا گرتی ٹی

ماتی

نی زندنا کسرتے
تُس نشان مہراٹ
دوٹی کناہلیسہ
بخشاس خن شعورے
آجو کرلیس سوچِ
مونئی ٹی مین ہلوکا
لولی تو ہکلی آ
جوزہ تے بش کریک
گامِ توندی سُس تس
نیک بنگا ہر دعا نا
نازمزم بنگا خنتیٹ
ارمان تو خویزکا
تینا وجودِ کڈ کیو
صدوار صدخہ ماتی
نامہرکن مریوای



ہموؤن ہموؤست ناقصہ غاکو

خلی آ کسرکونن اُن شیشہ غاکو

اسے نیمہ غاراستی تون عشق ء

اسے نیمہ غاکرچم دھوکہ غاکو

تیناخن تے سِلّس اُرینگان مالو

داخل بیرہ افس کنادیدہ غاکو

ہراکاتدے نازاسیٹی کہ پھلّ نس

ہمونو دِنّا مش تیٹی خوردہ غاکو

ارے بھلودڑ دُس مرید استی نا

ناشئرا کو پٹی غمی مصرعہ غاکو



سلپر واسرا لپرامر
خمپر نے گر کسپر امر

گندس ہلیرہ گواڑخ آن
عنبر دتر اشکرامر

سگ نس بکارے اُسے تا
ہلپر جغر بٹپر امر

ٹا کو خلے پائے گنوک
خاخر تو سرخلپر امر

گٹے خڑینکا تا مرید
امپر کسر کپر امر



رژنائی بشخا استارے ٹپس
زیبا کرینے گلزارے ٹپس

خوشی گلا کوریکا تاخمبٹ
دریاغہ اسٹنٹ پینارے ٹپس

خاخر شلس ہم بے رنگ مفس ہچ
گواڑخ تازی آگندارے ٹپس

رغ رَغ تینٹی کے چیہانٹ پاڑو
الپ دمس ہم دلدارے ٹپس

زوس بہونم بے شا بو یاراک
کشکا مریدے اٹ وارے ٹپس



طوبے شیف آدڑک بنگلن
است غم ٹی جرک بنگلن

حسن ۽ پارہ گنوکی بٹیک
عشق ۽ دڑ دس وڑک بنگلن

اُست کش آتیناخن تیتو
ساہ الیک اوترک بنگلن

بنگلن اودے افک زوال
اونا شہرت دڑک بنگلن

ناہموڈر دسوکا مرید
داسہ تیتو پڑک بنگلن



سَلِپ سارِ ہِشنگے ہلے دُب خمارِٹ

مرے پنے کنکے ناچہرہ ہزاراٹ

انک نیکے خنک صوبِ سِینا اُروکو

برک اُسٹ نتانے خواہے تہاراٹ

کئی آسمان اُسٹٹی چاوہ پرغاس

کہ چُچھی سے بھلواہینونا تواراٹ

سلے نیزہ غادر دنادے مُدامی

ہلے اُسٹ خاخرنا غمتا مزاراٹ

مرید کس وطن نادتر تیتو ذکرا

تینا وام تے تس اے مشتا تلاراٹ



ذرو کا داغِ نٹ تلارے گلابس
شنکی کر یکہ پتاتے زرا بس

سفر چار گرد آ مرو پین امرپا
برو کا انا نے انوکا انا بس

ترکا ہتم نا نہال نس مخو کو
اسے وارڈ کال ءخن تیٹ اُرا بس

دڑے بخت شوم آتہارا تا گنب اٹ
مرے کر گز آتوں سنگت وقا بس

کنے بے کسر کے کسس مشکے بھاز
تخانٹ مریدای امیل اٹ کتا بس



مشتا کنا لاڈ لے لڈے برنا ز ناء بنگ اگر
سُر ساز ستونا میوسس سجدہ ٹی پک ساہ و ترو

چھپی تے پرغا وخت ناہیت آ اگر بس مہر گڑھ
تہذیب بابل روم ننا مشتا مرو یونان ستو

پھل و ذبادٹ صوب ننا گودل ہننیا نی اُرس
سی تیری نالیو اتیٹی زمغاتو سے چھاپی خلو

اُستان مشتا سبھر اہورہ گروک لُس زیبلو
تخت و نصر نا چنڈیہ آ جوئی نا نو داٹ برو

ایروس ہبکہ گنگ چپ مون اٹ مریدی عشقنا
مہراتے حامل نا خنا افرو دیتی باہ حٹ سلو

(میوسس: یونانی دیوتائے موسیقی، ایروس: یونانی دیوتائے عشق، افرو دیتی: یونانی دیوتائے حسن و مابت۔)



زارشاد زندگی
خیال یاد زندگی

برف ٹی امیدنا
بے نپاد زندگی

ذات ضدانا جنگ
نت شپاد زندگی

لکھ مراد آخن تیٹی
بے مراد زندگی

مرگ بشخ ہٹی
اتحاد زندگی



است در دغم تیتو ہلکٹ بلوچستان
راستے وڑٹ ای نامسٹ بلوچستان
زند نامرے سودا پارہ تاسکس دیرٹ
ای تو چشمہ نس شوقٹ کنگٹ بلوچستان

نیتو سوتہ یکجا ذرہ غا تو اولی آ
ذرہ تسکے گڈی کونیتٹ بلوچستان

ساہ و ددر آتینا گریسہ ای کوپہ تے
بسٹ بلوچستان ایسٹ بلوچستان

خینا گلاب آ تو زندہ اٹ مرید اینو
گواڑخ آ تا ارمانٹ کسکٹ بلوچستان



قصہ مہر آتا جوانی برف مس
برف تمازندگانی برف مس

شین بنا استار ہر اتم تل کرے
ہلک خاخر مائیکانی برف مس

است ریش و پوتو و لپڑ خویک
ناتروکا ہر نشانی برف مس

دو لخی سنجہ تو انجیرے خنا
ہو رہا بی ہر گدانی برف مس

پے متونے آن پد اچ اس مرید
برکہ، اوتانی آکانی برف مس



ہیت مہر آتا کہ بس نے آسلیس
دے ننا ہم چہرہ غاسیخا سلیس

صدخہ بالاد آہمو ہفتاد حور
دیر نارنگٹ ہرازیبا سلیس

جھمرٹس کو کر کرے داڑے ہزار
رندارٹ نابیرہ دا اُستاسلیس

ذات ننا جاتا تو بلم مسک چیوہ
گیڑٹسے ناکد مشٹ دنیا سلیس

مس مقابل نور مہر آ تو مرید
خنک تل تل اُست سٹاساہ سلیس



کیسہ مچ نی پتاتے بہار آ تیٹی خیالے دنا مرید
تک و تنیاہبکہ ہزار آ تیٹی خیالے دنا مرید

بنگنن مُستناٹپ نُسے نی تینا استوشورانسک
بھازنی گل گلاس تہار آ تیٹی خیالے دنا مرید

استناخن تیتو کاسہ طوبے تے، زوئس بریسہ پدا
تل وول مسونس انتظار آ تیٹی خیالے دنا مرید

لرزیسہ تمیسہ پرغیسہ مش تلار آتے رُم دیرنکے
چیدہ غاتے تخینگس قطار آ تیٹی خیالے دنا مرید



دنا اُسے پھل کنول طوبے تھا

سینہ غا دنا پاٹپس دے تھا

شوگ نسینا سنگتی خرماتیتو

رُم وکو کاران اے شوانے تھا

اولی گام آتد و ہلک اوپد سلیس

عمر نانتو ہراقو لے تھا

لکھ مرادی آ شہید آتاتینا

خوردہ تنے نت تاوطن خن تے تھا

نا بزانہ آ زندگی تیکن مرید

چیدہ اس خیسن دترٹی چے تھا



ہوشے چپ کیو امر پند بال آ تیٹی
زندے اختہ ہزار آ سوال آ تیٹی

سنگتی، مہر، وعدہ، بھروسہ، قسم
نن اڑینگن چڑہ دام جال آ تیٹی

خلپہ دُن کاٹھے آسمانٹ گنوک
گام خلپک اسل وخت پال آ تیٹی

مُج کر یسہ تینا عمر ناکٹ ءای
تینے پر غانٹک ہڑدے خیال آ تیٹی

وجدٹی پٹیسہ جندے تینا مرید
چھاپ درڈ آ تو کینہ دمال آ تیٹی

خاکہ دھرتی

پُھل ۽ انجیرے بروکا دے تاشین
خاکہ دھرتی نابرمک اُستاکبین

گواڑخی ۽ یادسے ناگہوش ٹی زندہ اُن نن دوزخی آتہوش ٹی
جوزہ ۽ خرن کروکا مُد گچین

ندرے دھرتی ہرگلاب آچہرہ کے طوبے واستارے گوری مہرا کے
خوارہ گنداراک سجدہ خل تے کین

پُھل وپن اٹ اُست ہلوکا خیسنی نیم ساہ غاراج ۽ بشک زندگی
تینکے دتخس خیسنی برن بلین



پیڑ اتنے ننو کم کم
جھمر خا خردیگر ناغم

تما پنا نت تے طو بے
اسنت داسہ تو لے ماگم

انے انتس انت انتان
زندہ کسکن ای ہم فی ہم

بے سر بے وڑ بے لے مسک
گنگ آختا ساز و سرگم

ٹکر ٹکر طو بے استار
دھرتی مچ آ اینو ماتم

نمبٹ لمہ مہر آتانا
قصہ تینا پورہ سرجم

نودٹ زروکاک

مچے سلوسر
مچے شلوسر
خڑکا مروسر
ننٹو مخوسر

نودٹ زروکاک
طوبے گروکاک

زندے شنازند
غم تا پنازند
لچا بنازند
ہس مس ہنازند

ہیت آبتونک
تینا متونک

کلان وڈن
بے کچ وڈن
اوغان صڈن
نے آن پڈن

بس دیر مسن
بر پیر مسن

دردی و سالس
پٹی و گال نس
بے سدھ بدال نس
ختنا ناخال نس

انتس خنک پا
انٹے مخک پا

جور آتے وش کے
ریکاتے مش کے
جوزہ تے بش کے
زار آتے کش کے

دونو امید نس
خواہک مرید نس

☆☆☆

فرد

تہاراٹ نوا کہ مرے روشنائی
تخا پوغ تے کس ہشا زندگی ء

☆



جوزہءِ سفرِ ناتخ

توشہءِ کسرِ ناتخ

کپ کس نوا کہ رد

شمع کس دترِ ناتخ

مف درونا وڑاینو

خوڑتی نظرِ ناتخ

قومِ کراسٹ یکجا

ہکل کس اثرِ ناتخ

استیٰ مریدِ ہر دم

دردے در پدِ ناتخ



تُد کرے بخت نا دُز و دُزگا تیتو

جنگے اینولوار آ تا سیخا تیتو

پُھلی آ دا وطن آ جوئی انقلاب

اُستِ عِگل موملا مودی زیبا تیتو

دے پدینا مرے نا نصیب سٹ کہن

الکَنن اُست ہشوکا دا سیخا تیتو

صدندارہ تیتو شارے ویران نا

مشک زیبا ننا بیل یارا تیتو

شم تے حق راستی نا پخیر آ مرید

است کپ کے گئے زار عہتا تیتو



سِلّے خاخر آتیٹی است ءنی پخیرانگا
بشّے اینو ورنائی جوزہ غاتے پیرانگا

دپتر آن راجی آہل سّخ نی پنت ایتک
کرگزے دابوتا رآ تولہ غاتے میرانگا

ہلک خمبٹی مارُس استو آ جونا گودی
کش کرے پری مشتادن دترتے شیرانگا

رقصِ بَہل سٹ ہڑدے نن تڑین ذاتے دا
ملّہ تو خداوا ہم زندے دستگیرانگا

مردہ غاضمیراتے چنڈے مچے پے زورنٹ
کرسوان شتر آتے نی مرید تیرانگا



اریک اُسٹنی زندہ سفر تیٹی اوارس نی
دانو دآ تا گچینارہ گزرتیٹی اوارس نی

تھے پینگن تلار اتے بیابانٹ سڑک ناخوک
ہموذ گرا شہید آ تا دتر تیٹی اوارس نی

ہرا کہ بشخرہ جوزہ سدالچار بیوس تے
وقابی آ ہمو بال ٹ نظر تیٹی اوارس نی

ننا خیالاک پیوند و نما ارمان ستو شاد آ
ننا ارمانی آختا دتر تیٹی اوارس نی

ہرا کہ پر غرہ نن تے تہاری تے ختم کیرہ
ہمو رزنائی ناصہب و سحر تیٹی اوارس نی



زندہ سنگت مرے نن مرین یا مفن
ڈیہہ سلامت مرے نن مرین یا مفن

لٹ وپل تاڑ چک ظلم سے ناخلاف
نابغاوت مرے نن مرین یا مفن

بزگارا ج نادوٹی تینٹ تینا
بخت قسمت مرے نن مرین یا مفن

سیال تو ہم سری ایلماتون مہر
ساندہ سیوت مرے نن مرین یا مفن

بے نپاد و شپا دآ تا داڑے مرید
بادشاہت مرے نن مرین یا مفن



پدی ہلیسہ مُرہنیا جہانے
پتی آکسرٹی گنوکس روانے

ہراکہ بدل قسمتے راج ناکے
ہموجوزہ غا زندے زندہ تخانے

تینا ہست ذاتے کرے نیست انتے
دچا انت مس تا دچا انت خنانے

بہ رکھن اوارای ونی کل بلا تن
”منہ مال بڑگل چنکا جہانے“

ذرس پد جہانٹ مخنگ ٹاکو پنک
ذرس مُست داکا مریدکس انانے



ہزار اک جوڑ و خدا خلقی
تہاری سے دونو ننا خلقی

درے نیستی گنگ نہال آتے دُن
ستر پے خمپہ چٹا خلقی

مرے میر ملا نواب کس مرے
نے ارزان ملے گڑا خلقی

گلی تیٹی تمے لہر زے یقین
امید کس کہئے زو پدا خلقی

امر تمپ خن تے نما آسمان
مریدے بے ہنکین اُرا خلقی



دُعا رو آسمان استاک تینا

ننا استا کپنے خاک تینا

ہرا کہ نیم ناپرغانوسیم ء

فدائی آہموورناک تینا

دتک خیالاتہ چٹ ہلکر ہراتم

ترکورک پداشتر اک تینا

پڑی نس بارنو استاتے تل کے

گھٹ ڈکھانوانت جیجاک تینا

تخانے کاظم آدے تے مرید نس

اُرس مون ہڑسیرہ سیجاک تینا



اوبادشائے مے آلف
بفک اوہج کنے آلف

سلیپ سیخاٹی اگر
کے مہربانی دے آلف

ہنوکاٹن ہنوتے زو
بروکا صوب اُرے آلف

خلیوہ خن تیان دا
ننا غمس نمے آلف

مرے اومشٹامش تیٹی
خدائے نوشکے آلف

ہنک غزل تے نامرید
امرنا لے لڈے آلف



دنا حوالے ارمانے دنا

ما تم ٹی اینو بولانے دنا

خوانگے دیرئس کلمہ کسرٹی

کچ بٹ سلوکا ایمانے دنا

پیہا ہرا کا مال بٹ نہارئس

تالان آگر تو شیوانے دنا

”استار دیرہ لاڈلے لڈے لا“

بولان ٹی اُردیوانے دنا

چاہک جہان ہم داسہ مریدے

دیر آن مرء جانانے دنا



دُڑ دُسے تو واہمائی خوانک
زندگانی سے بادوئی خوانک

خواپک اُچ لُخی ءوڈائی
داکسر سگ و عاجزی خوانک

کیف قدّ ح شراب بالادآن
ناپخیرئس اراپڑی خوانک

برف آمہر آتو سادہ غاسگت
خاخرے سوگئو اُسنتی خوانک

دے بنوئے خریناپیتاتے
ہراسٹ داڑے جان جی خوانک

ناگنوکا مریدے انت مسک
زندہ متنگ کے خودکشی خوانک



گُلِ علاءِ سنبُلِ خُطِیْنِکی خُطِیْنِکی
نایا دُٹِ ہِتمِ کلِ خُطِیْنِکی خُطِیْنِکی

ہموِمشِ تلارِوِ ہموِہندِ جاگہ
ہموِچشمہِ چکلِ خُطِیْنِکی خُطِیْنِکی

جوانی کے پُھلا اَمیرِوِعلیٰ نا
وِطنِ جیجا ماٹلِ خُطِیْنِکی خُطِیْنِکی

چراغی آختنا ہنو کا کسرتے
سلوکِ اسپِ وِ دُڈلِ خُطِیْنِکی خُطِیْنِکی

ذرس چکِ وِبالانِ ہٹسکِ مریدِ اُر
ارے چشمِ وِ حائلِ خُطِیْنِکی خُطِیْنِکی



اشکرا نگر یاد اک او نا
تنکن محشر یاد اک او نا

بے رنگ زندنت رنگس شاعر
ماہین ماہ پر یاد اک او نا

زورے کل آ موسم تے آ
خلقت دیگر یاد اک او نا

کیرہ سوچے باغی دین آن
سرکش کا فر یاد اک او نا

ہیتاک او نا عودے مسکے
ژند و مدد یاد اک او نا



اُستٹی غمتا دُن کسر جوڑے
دوزخی ارس نتو دتر جوڑے

خاچے سیرٹ امرغریب اینو
خلقنا دُز کہ معتبر جوڑے

پین تے امن ناخ ایتے
تینٹ او تو فلو تفر جوڑے

بسنا جوزہ غاتا ماڑی نا
انتے پنک چڑہ اگر جوڑے

دیکھ شا استناد ترز وُس
پورہ غا نقشہ تو سحر جوڑے



مرگے منانے گواڑخ تینا زندگانی سیکے
خل تے اُستس تخا سرجہ غامایکانی سیکے

خینا جوزہ تو زیر کے چندی طوفان تے
سکرہ مَش تارا اک دونو جوانی سیکے

گام کے نودسے نا پڑی اشکر آ تو اوار
بے غمواست سسینا نما چشمہ کانی سیکے

سیل * ستول ہلیسہ چڑھ جگے ڈکال تو
بیدے خواری ورم آن اف ایچ گدانی سیکے

خواجہ گلگ تہارا تا پابو کہ داسہ مرید
تُف کے شیوانی ء او نما پے شوانی سیکے



مریضِ مرضِ نا اگر سہا تفکِ خبر مفک
صرف دعا دواتیٹی اسل گڑا اثر مفک

تروئے ٹک ڈغارءِ داے روشننگا دے ضرور
ہر اسے نے نی پا کہ چٹپک سحر مفک

ہزار فلسفہ تار از بندے تینا جندٹی
تینے کہ پومرے کس بے شون بے کسر مفک

ہر انا نت تیان بک الیہ احترام ٹی
قسم کنیو ہ تپک اوا مر مرے امر مفک

وقاب خا خونا واری بھاز مشکلی مرید
کپوت آ است شیر سیٹی ہم مرے نڈر مفک



میر وڏو نواب جی کیسہ
خوش اُسک نی کہ شاعری کیسہ

شیشہ شان ایتسہ نی کور آتے
سادہ غا خواجہ سادہی کیسہ

دے پھلانے ہنیا تے نا
دیر سیکن نی بے تعی کیسہ

ہفت حیرانوکل امرانتے
مرگ نا کوک آ زندگی کیسہ

مسنے کل نتو مریک اندن
نی مریدانتے اُسٹہی کیسہ

(وڏو: مری بلوچی ٹی وڏیرہ ۽ پارہ)



پد سلوئے منزلن رد کرو کس نُس نوا چیدہ ءِ سوگو کرک
چُر وچیل آتیٹی داگام اڑینگپ کس انا چیدہ ءِ سوگو کرک

بے وسولا چارنادپ چناتے گرک ہموباخوئے کس اس پُلپ
دشتی گرخواسه مف خن خرمینکی خزم ناچیدہ ءِ سوگو کرک

ایلم آن ایلم تے اُر مُدرے کشکا بے سیوتی آپوغ مس
ای ونی نادابدے داکہ کشنگ کے پداچیدہ ءِ سوگو کرک

رنگ ءِ گوہانے ثمن ہلک خاخر گواڑخس گی مرینگانے گلاب
مہرٹی داوڑ مریدے شلپ زارنس پداچیدہ ءِ سوگو کرک



مہ برکسر اُروکا کردار مرسلامت
چلتن تو مل ہلوکا دلدار مرسلامت

خاکِ قلم تو پیوندِ سرِ مہ کروک فکرے
دردے خنس تر وکا اے یار مرسلامت

خاخر تو چچلوٹی دے تے تنخاس دوآ
اے پورنا زروکا استار مرسلامت

بشخاس فلسفہ فی راجی مزاحمت نا
بے سُد کنا گنوکا بے سار مرسلامت

کرن آتا بے وسیء گوادر کے بے مراد آ
شال نٹ غمس گنوکا غمخوار مرسلامت

استٹ مریدا سینا خل تا در وشم اٹ دُن
پھل نُس تر کفوکا پینار مرسلامت



بہ تخنی جامے جوڑتے شراب شاشرا بشا
ای پتک ہلیو ناخمیٹی ذراب شاشرا بشا

دچا ہرا نگ ہرا نگ نن درین دردے کم متو
دالا علا جاضر ا کے عذاب شاشرا بشا

ذرس کرم ذرس نگاہ ذرس شازارٹی خویک
ذرس پست ات ذرس پدا گلاب شاشرا بشا

درک ننن دمس نی مُردا کوچہ غان سارنا
کرف گنوکی تون گو سرا ب شاشرا بشا

ہراتا دامن آمرے نمازا ان ہمو تے رک
ننامرید خانہ مس خراب شاشرا بشا

کنا اے ہیڑ بیوسا

کنا اے ہیڑ بے وسا
خوینکاتیکے گوری نا

خوینک ہموکہ کپ آ کے
ترے دا اُستِ عِٹپ آ کے

خوینک ہموکہ لارنسے
ہزار سالی زارنسے

تخانے خن تے خاخرے
خوینک ہموکہ دیگرے

خوینک جون جان گنگ
خوینک آسمان گنگ

خوینک دردناوتر
خوینک بے وسا نظر

خوینک راج ناغے
خوینک غمتا سرگے

خوٹینکے گٹ سنا ذرا غ
خوٹینک چلتنا تے داغ

خرینا وخت شادا آہیڑ
کنا اے نت شپا آہیڑ

کپینے خن تیان دا
دا زَم زَمزما خوٹینک نا

اُرس اے خفتا نورنی
خوٹینک نادا بے وسی

گچین دیدہ غاتیتو
کبین جوزہ غاتیتو

امید ہمتس مرو
مدام طاقت اس مرو

دادردے پے نما ترو
مرید کسے سہا ترو



کرینو تل اُمید اتے ہنیںو زندگی سینا
خوٹینک افس دتر کو دا تر کو بے وسی سینا

امرتے امر لرزے امر لے اٹ تے نت تے
کنے اڑف خنا نٹ رقص ٹی ساہ و پری سینا

صدء سالان کشینگے ہرانا نکشے بولان اُر
اوقصہ بس پری سے توارے خیسن خنی سینا

ہراڑے کونٹ تالان کُس ننا ارمان تاسنٹ آ
ہرا کہ بسکہ استو تو ارس بانسری سینا

مُد اُمی مہرنا مشتے دتر اُستان شولنگ کے
مرید کُس وادر وشم ٹی بروئے تو کلی سینا



دتر چُر آبا خو کلہو زندگی نا
اُرک انتہائے ننا بے وی نا

دروسو آتون دیوان اسیٹی
مخاکہ کچک کس پنا بند غی نا

کسرنا سمائے نئے منزل تا غم نے
فی دعویٰ کیسہ امر رہبری نا

مرے دشمنی نا نما ہیبت تالان
سلے راز منتوننا سنگتی نا

ہزار آنہار آتے تسن کسر شان
ننہ کنگ بلا بس مرید ای و فی نا



آسمانے کا ٹماتینا تخان
بھاز مَر خیالان داسہ ناہنان
خیسنی نس گٹ تلارے بشخسہ نن
جل تیٹی بولان مشکے ناوہان
مرگ نانثہ خماراخن تیٹی نن
زندگی ناہرا سے رنگ ۽ خنان
خاز گاتے بیرہ اوخلتو شفافس
تینتو تینٹ تینا حالان مخان
کو پہ غاتے لغورا تا کبین او
شہ مریدی آہموتیر وکمان

بے وسا خاک

ادیرہ ٹی چھاپ عنن امبار خلقاک
مُجَاتِیئی اندر ارے بے وسا خاک

کپوتا کو پئی دتر چُر ۽ شانتل
ہشنگو کا روح بٹ خلے نالہ بلبل
لوارس ہشامرگ نابوچ بوچ ۽
ترخانے گواڑخ کرنچ ہلک سنبل
مِشٹ کے شنکی غماتے تینے آ
پر ادٹ جہانے اینوار فے ہر پھل
بہارا نگا ارمان مودہ خلیک
ارے ماگی ماہ لقاتون ماہ گل
تلارا تا شابیت ۽ سینہ ۽ بروئے
وہے زار ناخمہٹی چشمہ چکل
مرید کس ہناتے تہو جھمرا تو
ڈغار اتے کونڈک جنوزان آ حائل

دتر دیر سینا پڑی تو بدل مس
مدورنگ ۽ اڑسانروس کنول مس
مخو کا اینوخنک سٹار تمار
کسرتے اُر کو امید کس قتل مس

اُرا بے نپا د آ جہاں کس شپا دو
پنا بند غی ناپدا تل و ول مس
”تھے شعر خا خو گلوبال کر گز“
کہ شوک آتا ہر ہیت دشت متل مس
ہمو مہر پا کا ہمو گہوش ہتم نا
ہمو شیک آبالا د ہمو مشتا جل مس
دتر چٹے باہ غاں ہڑی آ کچک نا
جغر کو دکا دا خرٹینکا تہ تل مس

دسے نیزہ عا دے ذرا بس گدا نا
پدینا چرک پیہن انگا مکا نا
صفانا زاسیٹی تر ڈنگے میچل
گروک ہڑ دے تھے غریبا شوانا
شہے پور غم ٹی خلے طوبے باپست
حشر بش کرینے ڈغار آسمانا
وہو کا سمندر ک گٹ خشک اینو
دھمالے پتا تا اے ریکا زبانا
تہو توں گوہاٹ یقین اس خرٹینکی
چغینو منہ خن تھے اُستخوانا
چڑہ چپ نشانہ چڑہ تیر تھے کے
چڑہ مونو دا غس تنخو کے کمانا

نایاں

زنگے دے استنازارے غمتا خلع

جان نئی لے لڑے لیکو دم تا خلع

یاد کسے نادنو یاد کسے نادنو

کے چراغاتے روشن تہارا آتیٹی

شاغے بلسم ہشوکاندار آتیٹی

یاد کسے نادنو یاد کسے نادنو

اڑ سے ڈکالے پھل و ہتم تے اتے

مہرناشت نئی ناقدم تے اتے

یاد کسے نادنو یاد کسے نادنو

ساجی ء اُستے کے پین محکم مرید

نئے سلے دڑ دڑ کھ نئے سلے غم مرید

یاد کسے نادنو یاد کسے نادنو

(ساجی: مکران اٹ مش کسے ناپنے)



غم ڈر دے وسیک کریر لارن کنین
تو پیس اینو شام نئے یارن کنین

ہروارن سلین درا کفر حق بنا
ہروار تو بہ کین واہروارن کنین

بچ تھپ تنکے فرق حساب زندمرک نا
خیرات کین شادمرے زارن کنین

ات شاغ ہفت بحر کنا است خن تیا
برتول عمر نانی اے ہینارن کنین

کل بیم تے مرید اینو پرغ داوڑٹ
مف فرق پائے انت نئے شارن کنین



دردے نمب کر ذرس یا گلان شعر پا
بر خلاس ء است کے استخوان شعر پا

فکرے بسنا غزل تا درو شمت اتہ
آسمانے بیرفک یا غمان شعر پا

چھاپ ٹی ء بند بند ڈکھ کسے توزی بلو
اینولے لڈے خلے جسم جان شعر پا

انتے مہر ڈیہہ نانا انتے عشقے آجونی
است ء تینا کش ذرس ایت شان شعر پا

سنگتیک ایلمی بے وسیک لنگڑی
نیکے کل مرید اُروک بر بکان شعر پا



کوکِ بنو وخت پائک بش متورے مش مریرے
ظلم نامونا اگر نم مش متورے مش مریرے

قتل کو شٹ تے پے تینی نا نصیب ہس جوڑ مسک
ایلمے ہلتورے دوئی خوش متورے مش مریرے

دابل شوک آملی تو ہیت کئی سر پد مفک ہچ
دانا وڑ گراست کش خن کش متورے مش مریرے

نے تھو میڑھ ۽ خدا نا ان گنو کا پا مریدے
زو اسیٹی اینو پنجن شش متورے مش مریرے

خوش اُرے کہ زندہ اُن

ذاتِ ٹی تفوکِ نم
تینے ٹی کہوکِ نم
پین کے اُروکِ نم

خوش اُرے کہ زندہ اُن

خسینے خن ایلما
جنگِ اِرخ و بے رُما
رنگِ خلیرے بلسما

خوش اُرے کہ زندہ اُن

علمِ عقلِ گم و گار
سَر یلہ و بے مہار
لرزے بیمِ ٹی توار

خوش اُرے کہ زندہ اُن

ڈیہہ سَنا دا خیالِ اَف
چلتنا تا حالِ اَف
قبلہ نم کہ شالِ اَف

خوش اُرے کہ زندہ اُن

سینہ تنک نظر سلوک
رغ تیٹی وتر سلوک
چپ وبے کسر سلوک

خوش اُرے کہ زندہ اُن

نگ و کڈ کریرے نم
مہرے پد بیڑے نم
زنچ خسرے تفریرے نم

خوش اُرے کہ زندہ اُن

استٹ آہڑا ہتم
اُز بہ اُز بہ بے بھرم
اُف مرید کسینا غم

خوش اُرے کہ زندہ اُن

☆☆☆

فرد

ہنک سوج کر مش تارا آتے تینا
کرینے مرید کس امر سر مچاری

☆



خیالے کس گرنال شاغک
خرنئے ڈکال شاغک

سرد راغا مہر کن نا
دے دتر نا شال شاغک

بخت مے اسک ہرانا
تو سنے او پال شاغک

ہائے انت بشخندہ سیٹی
دام خسک جال شاغک

استننا قبر آ مرید ہم
زمرود و رلال شاغک



سیخا دے امبار

زیبا نے امبار

تنیا غم تے تون

تنیا ڈیہہ امبار

مف کس سرچرہ دون

خن تائے امبار

خوائنک لمہ مار

ورنا چے امبار

مف تو بسپک فکر

جوزہ بے امبار



پڻڪ اُستنا يقين اِنٽے
تل مفڪ دسڪا گل زمين اِنٽے

پڻ اُفڪ نڙے بئرفوڪوانٽ
اِنٽے هر وار يا سمين اِنٽے

آه و زاري تڙے ڪوڊڪي خنتا
چُپ ۽ دنيا وچُپ ۽ دين اِنٽے

بلسمٽ لڪھ نڊاره غاينو
مون تمڻگے نازنين اِنٽے

مشڪلے پومرے مریدے کس
غمٽے اُستا ڪرے چغين اِنٽے

نیکن اُروک

گنوک سُسینا دعا تینے
اُروک نیکے خدا تینے

کسرک روشن مریرہ نی بر
ہتمک پھل سُس اتیرہ نی بر

اے بلسماتا نگاہ تینے

نظم تادوٹی وِ دیرہ صوب آن
غزلک لیکوخلیرہ صوب آن

نوائے شُسرُس ننا تینے

ہرا کہ تینٹ خنار تینے
ہرا کہ چرٹ ہُشار تینے

اے مرشد آتا سخا تینے

ہرا نگ ہراڑے وِ چاڑدانس
وِ چا ہرا جھمرٹ روانس

مرید داسہ وِ چا تینے



نن مسافر آگہی نا
تینے پٹن رژن مٹی نا

خن تیٹی نا مین ہلوئے
”انت باور زندگی نا“

دردے دھرتی رنگسے بس
لیلی مور و لیلڑی نا

برکہ بخشن مہرے داوڑ
اُم کنائے منگلی نا

دیرے خیالٹ گم کرینوس
لادے دنا سینہ ٹی نا

چٹ عتورینٹ مریدای
پنھل حمل تو کلی نا



سکراتِ عمری رخصت کہنے
خاکِ نٹِ رُدو کا سنگت کہنے

استاتا رُژنے دیسہ کنیسہ
اے آجوائی نا قیمت کہنے

نوری ناتغ تا تعبیر سیکے
ریکی نا خلقان ہجرت کہنے

گر کا تکا تو جوانی ٹی چانک
خزم آ تو آخس ماہ بت کہنے

در آسمانٹ ڈکھے مریدے
اوڑامشی آشہرت کہنے



مہرو اومیت ناگندے گونی سیٹی
زند جیجا سینا بندے گونی سیٹی

پین مُستی ہنو پین بال نس الو
خوش اُسک توریسہ پندے گونی سیٹی

اُزبہ اُزبہ ڈرل خنک کپ کپ تڑوک
مُون مونی تانا رندے گونی سیٹی

کل خرنی تو کلکشتہ غاساہ انا
لب شکر شاد از غندے گونی سیٹی

پین شہزادہ ءُ لاش نسی تو مرید
حانلا آجوتی بندے گونی سیٹی



خوشی تیتوں جنگ درد تو دو لُحی داڑے دون ہم مریک
مرگ ناخستنی چھاپ کے زندگی داڑے دون ہم مریک

زمر ماتن صفا برز ہڑزان دارنگ و بواٹ جتا
جوزہ نس خیسو بال کے پندٹی داڑے دون ہم مریک

عمر ناکٹ ستو فکری آلٹ ستو کس تینا مٹ ستو
کے سلاہ بند خیالاتے سنگر تیتی داڑے دون ہم مریک

چٹکو کش نس خلے تڈ وگام نس الے تمے پنے سلے
خیسنا خن تے پین ہم وڑے چہنی داڑے دون ہم مریک

گار کے حانلس سملس زیبلس مسکی و سنبل نس
کے مریدا نگتہ لڈ یسہ شاعری داڑے دون ہم مریک



دتر رند آتر ند گام آسبک بال آمریداٹ ای
بہ کتو خوار خلک ناشکر گال آمریداٹ ای

خلیوہ سار تو کاٹم ای مچھا شار تو کاٹم
شعور و عقل ناسیم آگنوک حال آمریداٹ ای

ذرا بایتے پدینا کل گمانا تے الہام آتے
تینا دیرا داشتر آتو تہو خیال آمریداٹ ای

خنسک کلر آٹل اے یا غمتا خیسنا ریکاٹ
رُدوم الپ ہچ ہتم تیٹی اے ڈکال آمریداٹ ای

ہمو غم ڈکھ ہمو ویل و ہمو در دسٹ ہمو ارمان
ہمو چلتن ہمو ساجی ہمو شال آمریداٹ ای



سخت آسمانٹ خنک سُمک سینہ ٹی پیوند
زندہ آگڑی ٹک آ اُسٹ دیدہ ٹی پیوند

مون مونی ء کشے صاف کے نشان ایتے
چہرہ ء اخس تینا کیس شیشہ ٹی پیوند

بلسمٹ وطن ناگم زیلا تازیباے
قصہ نس عجیبو نس اونا قصہ ٹی پیوند

ڈس برے نوائے کہ غلہ رنگ بورونا
لمہ نس کرے تینے استودر گہ ٹی پیوند

کم کرین سوزے نن بے توانا ڈکھ آتا
درد آسی ء جھٹ ٹ مس دہرہ ٹی پیوند

میکدہ ٹی یاد اتانی چڑہ خنوسک یار
زارے بلبل اٹ اختہ سارے نشہ ٹی پیوند

سبر آدا خیالاتا رنگ بسنے داوڑ
ناز گام تاتی نخرہ جلوہ ٹی پیوند

کودک آ تو گوازی گل ہم سنا تو مجلس ٹی
خلق کل مرے تینا شو خا بیکہ ٹی پیوند

تمپک دماغ ہچ آتیک مرید اینو
دے تے گنڈے استارٹ یا کے شمع ٹی پیوند

☆☆☆

چار بند

دڑ دسے تو خن مچ خڑینکاتے کینک غمے بیرن
پر غنک تہہ نچنکا بھلا بے جور آختے ہشن

گواڑ خاتا چمن ذر ذرے عنبر وعود مسکٹ مرید
خینا ڈیہہ آ برسیوتی ایلمی مہر نچ دس

☆



عمرُس نن تپن تے
سوچن نے خمپن تے

دینک کل حسن زارے
ولد ایچ اتپن تے

چھپی ٹی ایہن کراُن
گُوکٹ ہم بنپن تے

مسک ہس اُزبہ اُزبہ
واہم نن ہشپن تے

پیشن بس کشن حسن
تے اہلپن تے



پارودناہر جل نثار
خن تیکے ناغل خل نثار

آجوئی نازیبیل کے اُر
اُستاک صد تل تل نثار

خن خیسنا سنگر مرے
پامف امرول ول نثار

راجی آسوز ولے ننا
سرناسرو نزول نثار

مسک صفا ٹکمر مرید
نے آن پدمیرل نثار



مومن تر وکانا دوست مشر سلتنے
اُسے صفا ٹکڑے سگ و جگر سلتنے

گوا درے پاسہ تینانی امر و فخر سیٹ
خواجہ کنانیکے تو پیش کُتر سلتنے

ڈکھے چُنا تے تیافت ڈغار آن شیف
جاگہ لے جا تو دالمہ بشر سلتنے

کشتے خنے گرک ننا کسے کئے کپ مرے
چلتی آخزم اکے پین کسر سلتنے

کوک سلیفے نما کل ء زمانے مرید
چھپ پریشا نوکل یار امر سلتنے



کوپہ کوپہ دوپہ دوپہ دوادار
مہر نادر و شاک انار

زنجھاتے تینا کپ کریر
نُسورہ ہموگنوک چار

سینہ سم ڈغار عشق راج
قصہ اٹ اسٹارنگ ہزار

خانچ پین اسٹے اودریر
بش مہ کہ واخلقسے ہشار

مِش مدام پکسہ ہنوس
تا کہ زندہ تہہ نناہار

آہ! کناہننا پھل مرید
اُف سکندر آاے یادے یار



دتر شولر نناختے انا آخنک

نماباغی یلہ وبے مہار آخنک

سلرز ہری ناگٹ آتے کسر کشیر

وہیر بڈوٹی دسکا اے نثار آخنک

داگور پچٹ سڑک آشال ناتموک

کنے کنگر خداغا انتظار آخنک

ہموای اُٹ تینے ٹی گم مروک انگا

ہمونا بیقرار آمز دوار آخنک

امر پاپچ مریرہ مشک دھرتی نا

ہراڑے تر مریرہ سرچار آخنک

تقیوہفت سُر اٹ زندسے تیتو

پھاڑی بھیر ویں ایمن مہار آخنک



نن فکر تینا بال تیکے وام ہلوسن
اے کاش کہ نیتون ارا گام خلوسن

بیغان وتر، رُژن، منہ دڑ دہٹین ہم
بر صوب زرس زوت نے انا م کروسن

تو لوک جنوزان داخن تیٹ تہارا
استارتینو یار نما شام مروسن

مشتیٹ کنا مارنی دُن خوار متوسہ
نن مُست کہ اوڑان منہ زام ہٹوسن

ہچ تمپ ننامست دا ابدال مزاج آ
نُس زبراسل بھاز کہ گمنام مروسن

حائل

ای مرید ابدال مست اُٹ اے وطن نا عشقٹی
گل گلیسہ نیکہ صدخہ کیوہ ای صد زندگی

سجدہ کیوای گام گام آ خوردی آ خاکے نا
خن تیا تینا تخیوہ سرمئی آ خاکے نا
مشتی شوکار دشت پاوہ نیکے لے لڑی

دیرتے ناوڑ تا لڑ آ زم زما تو ہلپرہ
ناوڑ و بالا دچا دا جہانٹ خمپرہ
گہوشے جنت آن گیشے ناچرک آہری

یار سنگت مہرء لمہ ایک پھلی زیتلے
بھاز خنتے دا کینو نامفسہ مٹ ولے
زیبدار آست دیدہ برزدا کلان نی



ننگ لڄ متونے ٻچ کاسہ ان نی کاسہ ان
نے اگہ ہنوی عِداسہ ان نی کاسہ ان

دڙد غم نناڙ کھیل ۽ کدوا بولان
پین لُسے تینا سنگت چاسہ ان نی کاسہ ان

منگلی کنول سوسن شینلو تو شوشینگ آ
کست نا اگر خاخر شاسہ ان نی کاسہ ان

ظالما تاسیجائی مُر غلامی نادر دآن
آسرائی گرتینکے خواسہ ان نی کاسہ ان

مُرشد آ مریدا تا فرق ۽ پومفیسه گر
کورنی خنی تینے پاسہ ان نی کاسہ ان

آخریکو سُم

خاک ستویاری خاک نابس غم
آخریکو سُم آخریکو دم

مرگ ناگودی تو مخانے دن
زندے تینا دیر اس ہشانے دن
خواہشاتے کے کس امرگٹو
لڈیہ دیر کس پاہنانے دن

کاٹم استاتا دترٹی چڑ
مہرنا سنگت انتہائے اُر
عشتنا نشہ سے عجیو دا
بے خدی کس پے پے خمار و سر

رخصت اف

رندٹ ناتیارن سنگت
رخصت اف اوارن سنگت

پندوڈ کھ و خواری تیٹی
بخندہ کچاری تیٹی

ناصرن نثارن سنگت

دنیاغان مکرآ تا مَر
درویش آتے دھرتی نَار

عاجز آڈ غارن سنگت

لاڈے لانا بحر آ تیٹی
نازیفن نے شہر آ تیٹی

سرگم سوز ملہارن سنگت

جیرت اُن امید اکن نن
دھرتی نامرید اکن نن

تتیا نن ہزارن سنگت

انوکا

بیم ناگواچی مس یا بہا مس ہنا
خن تے پیہن کرے بے حیا مس ہنا

پرہ غا تے تینا دوٹی کشکا بٹے
زندنا عہد پیمانے پر غا بٹے
دردے ورنہ کرے بے وسہ استنا
ٹپی آختے پین ہم اوہرا بٹے

مالہ نانیکی اینوگناہ مس ہنا

مونو ٹک نس تنخاشوخ ء گندارٹی
ہوشے جلاتینا زلف رخسارٹی
زندگی ء زرا آدونسے نا کرے
خلک نت تے تے گلنگے تینا سارٹی

چرخ ٹی زندہنا او فنا مس ہنا

خواسہ گردا ڈغار آہتم تے مرید
مہرنا بلسمہ پھل بھرم تے مرید
مونو ء روح بنا پردہ کپیس اسل
پاش کیسک ردا نگا قدم تے مرید

ہردعا پا امر بد دعا مس ہنا

ژند آ احساس

مل ذرس خن تے نی ژندء احساس نا
مچھے داپار اُرشال نا اُستٹی
ہیڑ چیمہانٹ اُئی مہر دارے بٹے
باوہ نانک غمٹ سُر پسہ سُن اریر
کسے زانیفہ غم اُرخ ناتینا
اُز بہ اُز بہ تیتو چلتن اُرخ داغ
مرگ ماتمک پنار ہر کوچہ ٹی
انت سریاب دیبہ غمے ہدہ نا
درد دھرتی ناچھا اوارے اُرک
ہائے ہائے کہ دے اٹ تہارے اُرک
مچھے ایپار اُرشال نا خنتیٹی
کہ کچک لُس ہڑی ونہار آتیتو
جون تے ژن ژلیفک بٹک کپ اُکیک
لٹ کرنٹو ڈرل آن گواڑخ کوٹپ
ٹپ وخنک دیدہ غاتارے اُست کپ
مولٹ تنیائی نارغ رغٹ کیک چرخ
باوہ وایلم ہیڑ وارغ تن دچا

اٹ تا کسکرا نار اٹ تا زندہ ارے
اٹ تا دے چائے کہ نیم ساہ مسنو
کنگنوتغ تے ورناعا خنتاننا
جون ۛ تموک رُژ ناعا خنتاننا
منظرِٹ ای تو داپا رایپارنا
بے وسی دُر دغم حوصلہ عاتیتو
ہر گڑائے خنیو خمپرہ بس نے
انت مس نوری نا اُستنا بند نے
انت مس نے پنی آاے چا کر نامل *
دیر نے آن نگک و حیاے پُھلا
خسنا خن تیٹی پیہنی دیرالیں
دیر نے تینا خاک آن دن مُردرے
دے بدر نے کرے در پردر نے کرے
دیر گٹو کرے نا ضمیرے نی پا

شہدائے کراچی

چیدہ مس جتارنداتا

مشکن نن نمازنداتا

خمبٹ مرگ ناگودیء

دھرتی موملا مودیء

بسن جوزہء ایمانے

سوگئوز بیلا بولانے

خاران لاکی وچنگورے

فلرئس تو سنے بانورے

دیرئس نی کنف کانی نا

چرے زام جن ثانی نا

نورے خنتا او دیدہء

رازق ننگ سنا خواجہء

کشاییم نادنگ آتے

اڑسا جہد ننگ آتے

موش مس ازل ورناتا

زندہ اُستٹی کرن آتا
کورا نگا خنی تے خن تس
پند اتے ننا ویدن تس
بشخا حوصلہ توہمت
مسکی آریس ء سنگت
زیبا مہرنا استارے
دلدارے ننا غمخوارے
لیکولے لڈے برنا زبٹ
سوز نس بش کرک نی سازبٹ
درد آتا کنا اودرمان
یارا تا مریدا ی قربان

چنا و لمہ

چُنا:-

نمپنہ باوہ نانتے سیخائے نن
انتے ایلم کناس درو بے کفن
زارے باخوار غ بس نئے آاینو
است ٚ بھلن امرکین امر او غمپین

اشکے جوڑے کپی ننادامکان
پاکنے مہروان آکنالہ جان

بے پناد آن نن سیل * نانن تیٹی
کسکنے خوشی انتے نناخن تیٹی
آگرٹیکو صد آگوس ٹی دا کنا
انتے ویرانے پازندگی ناکنا
تاتہ نس تا اُرا ٹی مخنگ ناتوار
لنگڑی آن او غمہل زارزار
نمپنہ سال سے آن نن چُچ پوٹ
داوڑاٹ زندہ نوئے تیناٹ ومٹ

شارنا ہرا سٹا چنانا کماش
لمہ اُر خطک ناہر اُرا نا کماش
وڑوڑ وچ پوٹ تو کنو کو گڑا

خوشی و مہرٹی اوہ تیرہ چڑا
 مہرنا گہوش اوتے مدامی ارے
 پاننا وڑدے زندہ و چوری مرے
 داننا ڈکھو ویلاتا درمان مفک
 پاہرا نگے ہنارے اوانتے بفک
 خرمنے آن اوانتکن اوخفا
 ہچس ہم ڈکپہ لمہ نی صاف پا
 استوفوج آتا گھیرہ و پلویرٹی
 لگاندن کنے دُزمن ای ونی
 ایزدے ہم کنے پاریرہ دُن منٹ
 دُز آباوہ نمابلس برے نیم منٹ

انت کاریم کے، انت اونا دس نشان

لمہ:-

ساہ سنا کپ کنا جی ہنیا انگامل *
 برنی خط کا کنا درگہ نابائے ہل *
 دین درس ہیتس ای رازنا پاوہ نے
 ننگ سنا خواجہ س پھل ارے باوہ نے
 نئے کنے نئے نئے آن مسک خفا
 اوتون کل کے زندے پوغا تخوا

ناوڑو پے ہزار آچنا ڈیہہ ننا
 اینو گواچی اریک صفامے ننا
 گون و پنجاہ تو میر ملا نواب
 کاٹماتے غریبا تا کنتگولاب
 ناکنا پگہ و روشنادے اکے
 مش تے سنگر کرے زیلا ڈیہہ اکے
 باوہ تے ہم سنا تا تینا اُرپہ نی
 پاپُٹ دُون نانت کرو زندگی
 کے بہا مارے کس، کس مسنتے تڑے
 او تے غم آف کس خلقی لنگڑے
 باوہ نازنگی آدنکا مدام
 پٹ ولعت کر یکہ چڑھ صوب شام
 نیکے پنت کس کنے کس کنامارے پاس
 راستی تو دروغ آتانی فرقے چاس
 استی نامرے بے نپا دا تا دڑد
 خوار بز غم زور و شپا دا تا دڑد
 نیستی ہستی ناچڑتے خلیپس اسل
 ذات نا قیدی تے تے تفس اسل

آجونی انقلاب اونا گپ و تران
 بن کنا خنتہ دیدہ کنا ساہ و جان



ریفسہ تینے دازندنا مکرچم دھوکہ غا
اٹ ومٹ ارفسہ استنالا شے نی کوپہ غا

مرغنا پندا کے چنتہ ٹی حوصلہ سگے شا
ردا سل نی مفیسک دا اشتاف نا توشہ غا

ہچ اڑینگپ دوئی رغ رغٹ پنپس لرزہ غاک
اُسٹ ایتس کنے اے خدا دیدنا موقعہ غا

الکنے مشتی گُل گلابس نرم آن رنگ
دشتی شینلو زندہ عکواڑخی جوزہ غا

نادتک اُسٹنا مسرک پھل ہراڑے مرید
سردراڑمپسہ اوہنا کہ ہمونیمہ غا



اُستاد سوانتس نی پا جھمر ذراب
لیپر کرینن خن تیٹی خاخر ذراب

بالادٹی بندے دُغار ہفت آسمان
رخسارے دے استار خنک ماہ پر ذراب

گہوشاتے منزل ناخن خیسن خنی
نیا ما کسر نابلس الے دمدر ذراب

ہردم وہے دُر دُکس وطن نارغ تیٹی
نی پاکنے انگلت امر ہلپر ذراب

آؤ، مسنے تنکے صفامش مہرنا
نمکے مرید کس بش کرو در ذراب



ساتو تورے اندن استو

پنا نک نن پالن استو

پکس تمپک طوبے ڈیہہ آ

ریفین استے ایہن استو

دسکا جورس نشو پیڑوک

نیتو دتخس مسن استو

مہرس خلتے بشخوکانا

باخو مسک بارن استو

شاید پھل کے تینا انجیر

چاراسکانن تو سن استو



پہناخن تیتو مش وفا چاہے نی اوڑے زندگی
تسنس لنگڑی بے تھی بے وی اوڑے زندگی

کس دروایو نا جھیرہ ٹی تمیسہ سارے گواہ تینا
کس ترڈو ہلے پگہ نانٹھ ٹی اوڑے زندگی

ناداشوخی وُسرُ رنگان بسک ننا بٹخ سٹی
ٹکرو خیال ارٹ چار بند شاعری اوڑے زندگی

چاوہ تماخرینا دتیار ناخن تینا مرید
اُر پیسہ سلیپسہ کپسہ سنگتی اوڑے زندگی

☆

تجھ لائی کرین

بادشانی کرین

دردے ایں تینا

نن اُرائی کرین

گوہ نئی زندنا

گوکلانی کرین

مہر تو پیر آنن

چٹ چنائی کرین

تو لہونک دمس

غم ڈھلائی کرین

خیالے کسفین نا

مجھے سہی کرین

(سہی: بلوچی ٹی جارات و پارہ)



ہس چٹ ترسیہ جھم تازی آ
تماخو تنکس دیگر تازی آ

کرنا تاثر ندی ساعت ہنوی
تے نظر نامدر تازی آ

مہراٹ خدایا پھل چٹ تروی
نن کونء مرتد کافر تازی آ

چاوہ ہتم تا حال نس ہنوی
گور پیج خوشے اشکر تازی آ

پرغر کسرتے ہلر مریدے
حیفء دنتنگا ہمسر تازی آ



پنوکا کو پہ ارمان ارمان

ارمان لمہ بولان ارمان

ابوئے گامس پد پشت تما

ابوئے کہ دایمان ارمان

خیرات تسک گندارے اومیت

رنگس درینے پُھلان ارمان

تموکا درگہ کپی آکوٹی

کیرہ گم بنگا دردان ارمان

آبادے چا کر حائل ناخلقٹ

داڑے مریدکس ویران ارمان



اے مہراک تیخ آنما مہربانی
جولائی جولائی ننا زندگانی

اُرونک بنونک خنوں انت چاہوں
مسے دم تازندہٹ اسے دم جوانی

منہ لپ دتر نامنہ گوک ٹاکو
منہ ساہ کنو کو ارے ٹپ نشانی

سدا گل گلے ماگماتا کہ نیام نہٹ
ہرا کہ پاڑژنا سلو ماییکانی

”مریدان نماں مرید آتا سائیں
ننا پیرو استاد مرشد ننانی“



ٹپ آتے داؤک چراغ
ٹمبک دتر ٹمبک چراغ

اوتسکہ خیرات خن
داسہ ولے پنڈک چراغ

انٹے علاج ای جست کیو
اودیرتے لکک چراغ

آجوئی نانت تے مرید
مش سُر مه غا پرغک چراغ

گروک آتا همسفر

همره اُٹ ای نو د آتا همسفر گروکاتا
سار آسمان ۽ کیور بهر اُٹ گنوکاتا

کیو چیلو تنک وگٹ وگرتلار آتے
نشہ آجونی ناچٹ ایٹوک خمار آتے
رازے زندگی کتور قص ۽ بے خدی کتو
مست چھاپ چوگانٹ زمغ ناتوار آتے
پیشن اٹ گمان آن ای عقل نا خلوکاتا

خن تیان پھلا آتا دڑ دے دیو دڑ داتا
نودا سیٹی اوتاخ ۽ جوڑ کیو دڑ داتا
تہہ انا بلاتیتو مون ایتو ای ہڑ دے
مہر بشجوک مش تے بیرا لیو دڑ داتا

شعر پاوا ستار آتون ای انوکاتا

مہر ناسفر جاری مرشد و مرید اتو
دورنا حسین اُٹ ای جنگ کنایزید اتو
پگہ ناگڑتی ٹی اینوئے کرینٹ ندر
کٹنے کلہونتا صہب نا امید اتو

مُد دوارے کتو خاص است ہشوکاتا

جنرل اسلم

وفا و مہر حوصلہ ختم مریرہ نے آیار
خزاں سہیل پندناہتم مریرہ نے آیار
نی راستی و صدخی نابلبلو کا چیدہ اُس
کسرک حق بنا داکل قسم مریرہ نے آیار

وطن نابوچ بوچ تو بہشتی آزمین نے
دروت ختنیٹی ہلے اے صادق وامین نے

گلاب عشقنا زرس خدا مزارے نااتے
مرادسیٹی آجوتی منہ غزل نظم خلے
ناخیسن بزگا فکرستون حائلاک بیرفوک
وطن نا عاہشہ غاک کل خلیر نیکی لے لڑے

وانا زسیٹی نازیلفے اے لمہ یاسمین نے

قدم تے ناتخر خنے ندارہ جلوہ غاک گل
مقابل اٹ نارژن ننا تہار شمع غاک گل
نانت تائمش تے مش مریر بلسماک زیبلا
کھرنا محکمی کہ داد لیر اجوزہ غاک گل

بریر سجدہ کیر بس امید و ہر یقین نے

سلوک بے وساتیتو نہارتون جنگ نا
اسٹ آسیدہ تو مرید نہارتون جنگ نا
نی پٹوس اسل بہا متوس پدا متوس نی
مدام تسک سخ تہارتون جنگ نا

کماندار جرنل آسلام و آفرین نے

☆☆☆

فرد

گو تھانا گروک آ تو وختس مرید
ای و بولان اُستاد و سواتوار



نم بہاری استاری نن تلاری ھیناری
جو رے یاری غمخواری واواری دلداری

ڈیھائی اسٹ آدانی خنس اسے جاگہ
سرچاری بیداری چپ تواری بیکاری

شیف خن، تفو کا دو، تو مرے مبارک نے
ناھشاری کفتاری گم وگاری سرداری

خیدی داپندراتانتوزیب کے سنگت
ضرب کاری رھچاری چاریاری کوہساری

کان برمرید اینوسہردم ناریکاتے
خن اناری قنداری مرخماری گنداری



مہراتا کاروانٹ استان امپ یارنس
کائے جہان مچھا خط کان امپ یارنس

منزلک است خوارہ فی چاسہ جوان سنگت
برچنگ نئی کنا شا ایمان امپ یارنس

بالو آ دیدہ غاتامری کٹیک خن تے
دڑد آک تاب ہلیرہ دڑدان امپ یارنس

اڑسک تا خیال ژند آگرتوریرہ تاشعراک
خاخرالے کنادادیوان امپ یارنس

پگہ ضرورتینوتینا اتوئے مٹس
اینومریدارلیس کہ دوآن امپ یارنس

منہ چار بند



ڈکھ آتو پیر یفو کے علم و سخن ہنر اُر
ہر ٹپ مر یک شئرس، ہر مصرعہ و دتر چُر

گندس گلاب ناپا جورا یتلک ہرا کا
زمزیری ٹی تفو کو خیال نس شلے امر دُر



چھپی ٹی خنتا اظہار پنک
دیرے سانس کو ہسار پنک

اوڑا نظر کہ تما سے وار
زندت پدا کل دیدار پنک

☆☆☆

تہو تورا دہ کلہو گچنے
ادا و جلوہ تو او گچنے

بہشتی آ دانا ڈغا آ
گلاب گواڑخ مدو گچنے

☆☆☆

در دسیم آن ایپار در مان مس
جون مردہ اُمید اتا ارمان مس

مس بدل قصہ گل کسک زندہ سلیم
شے مرید نس ہر اوخت رحمان مس

☆☆☆

یاد نس پڑی پڑی آ خشکا وہ غاشلا کہ
او غا کہ چپ کر یکہ ولد اعجب مخا کہ

استو ہراڑے ونڈی مہرے کر لیس اونا
خرط کا مرید ہمونا سیخا انا کہ

سلے زمین آسمان
ڈلر تہوک دیدہ تے
کسرک ہوش ۽ کیر گم
مزلک پوٹو و ہلیر
یقین ۽ بدبرے تینا
گھم تیان مُستنا
امید چٹک سٹی تینا
ہلوئے مین شرم نا
خلوص کشکے کاٹھے
بدل کے صبر معائے
پرا د کیر جوزہ غاک
درنجر حوصلہک خن
قدم تاشیف سٹی نما
صرف خیر اسیکہ بس
نامہر ۽ لمہ یا سمین



THE BALUCHISTAN POST
Uncovering the Truth